



Broj: 05-16-3-1390-9/24
Srebrenica, 03.07.2024. godine

Na osnovu člana 69. stav (2) tačka d) i člana 70. stav (1) Zakona o javnim nabavkama („Službeni glasnik BiH“ broj 39/14 i 59/22), i prijedloga Komisije za javne nabavke konstatovane u Zapisniku o pregledu i ocjeni ponuda u postupku konkurentskog zahtjeva za dostavljanje ponuda, broj: 05-16-3-1390-8/24 od 02.07.2024. godine, direktor Službe Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, d o n o s i

O D L U K U

o poništenju postupka javne nabavke usluga: Izrada dva promotivna videa "Sjećanje nove generacije" i "Memorijalizacija - Istočna Bosna"

Član 1.

Poništava se postupak javne nabavke usluga: **Izrada dva promotivna videa "Sjećanje nove generacije" i "Memorijalizacija - Istočna Bosna"** za koji je objavljeno Obavještenje o nabavci broj: 1348-7-2-31-3-19/24 od 20.06.2024. godine na portalu javnih nabavki, a iz razloga što nijedna od primljenih ponuda nije prihvatljiva.

Član 2.

Za izvršenje ove Odluke zadužuje se Komisija za javne nabavke, a ova Odluka će se objaviti na službenoj web stranici Memorijalnog centra Srebrenica-Potočari Spomen obilježje i mezarje za žrtve genocida iz 1995. godine.

Član 3.

Ova Odluka stupa na snagu danom donošenja.

O b r a z l o ž e n j e

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je, u skladu sa članom 88. Zakona o javnim nabavkama, pokrenuo postupak konkurentskog zahtjeva za dostavljanje ponuda, broj: 05-16-3-1390-1/24 od 20.06.2024. godine, za nabavku usluga: Izrada dva promotivna videa "Sjećanje nove generacije" i "Memorijalizacija - Istočna Bosna". Procijenjena vrijednost javne nabavke bez PDV-a iznosila je 13.000,00 KM.

Obavještenje o nabavci broj: 1348-7-2-31-3-19/24 od 20.06.2024. godine objavljeno je na Portalu javnih nabavki i u „Službenom glasniku BiH“, broj 45/24 od 28.06.2024. godine.

Komisija za javne nabavke imenovana je Rješenjem, broj: 01-16-3-197/24 od 27.01.2024. godine.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 01.07.2024. godine u 11,15 sati u prostorijama Memorijalnog centra Srebrenica-Potočari, što je konstatovano u Zapisniku o otvaranju ponuda u skladu sa Zakonom. Komisija je na javnom otvaranju ponuda konstatovala da je ponudu blagovremeno dostavo 1 (jedan) ponuđač sa ponuđenom cijenom kako slijedi:

1. **O.D. HUDHUDPRO Sarajevo** sa cijenom od 12.345,11 KM bez PDV-a i 25 % popusta.

Na javnom otvaranju ponuda nije bilo prisutnih predstavnika ponuđača.

Dana 02.07.2024. godine, Komisija se ponovo sastala radi pregleda i ocjene dostavljene ponude, odnosno da bi utvrdila da li ponuđač ispunjava uslove iz člana 45. do 52. Zakona i da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije te da li ponuđene robe odgovaraju predmetu nabavke i tehničkim specifikacijama.

Nakon pregleda i ocjene ponude Komisija je konstatovala sljedeće:

Ponuđač O.D. HUDHUDPRO Sarajevo nije ispunio minimalne uslove lične sposobnosti u skladu sa članom 45. Zakona o javnim nabavkama iz razloga što u svojoj ponudi nije na propisan način dostavio Izjavu o ispunjenosti uslova iz člana 45. Zakona o javnim nabavkama kao ni Izjavu iz člana 52. Zakona o javnim nabavkama. Naime, ponuđač je navedene Izjave dostavio popunjene i ovjerene od strane ponuđača, ali iste nisu potpisane i ovjerene od strane nadležnog organa. Potvrda o izvršenom ugovoru nije original niti ovjerena kopija. Dalje, ponuđač je dostavio popunjen, potpisan i ovjeren nacrt ugovora, ali listovi nacrtu ugovora nisu parafirani kako je traženo tenderskom dokumentacijom. U smislu tehničke i profesionalne sposobnosti, ponuđač je dostavio spisak osiguranih lica potpisan i ovjeren od strane ponuđača, međutim kopije ugovora o radu kao i ugovora o djelu koje je dostavio ponuđač, a koji dokazuju angažman lica potrebnih za realizaciju predmetnih usluga nisu ovjerene od strane nadležnog organa. Zaprmljena ponuda ponuđača nije dostavljena u čvrstom uvezu kako je traženo tenderskom dokumentacijom. Zbog svega navedenog, u skladu sa članom 68. stav (1) i stav (4) tačka i) Zakona o javnim nabavkama, ponuda ponuđača O.D. HUDHUDPRO Sarajevo se odbacuje kao neprihvatljiva.

Komisija je sačinila Zapisnik o pregledu i ocjeni ponuda, broj: 05-16-3-1390-8/24 od 02.07.2024. godine, koji je sastavni dio ove Odluke i kao takav se dostavlja svim učesnicima u postupku javne nabavke.

Imajući u vidu naprijed navedeno, Komisija je jednoglasno dala prijedlog da se donese odluka o poništenju postupka javne nabavke na temelju odredbe člana 69. stav (2) tačka d) kojim je definisano da je ugovorni organ obavezan poništiti postupak javne nabavke u slučaju da nijedna od primljenih ponuda nije prihvatljiva.


U postupku ocjene provedenog postupka, Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje prijedloga Komisije za provođenje postupka javne nabavke.

U skladu sa prednje navedenim, odlučeno je kao u dispozitivu.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa. Žalba se izjavljuje Ugovornom organu u pisanoj formi u tri primjerka direktno na Protokol Ugovornog organa ili preporučenom poštom, a u roku od 5 (pet) dana od dana prijema ove Odluke.

Direktor Službe Memorijalnog centra
Dr Emir Suljagić



Dostavljeno:

1. O.D. HUDHUDPRO Sarajevo
2. U predmet;
3. A/a.

Prilog:

- Zapisnik o pregledu i ocjeni ponuda, broj: 05-16-3-1390-8/24 od 02.07.2024. godine.